



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 59. S. Thomæ Cantuariensis Exordis.

[urn:nbn:de:hbz:466:1-66377](https://nbn-resolving.de/urn:nbn:de:hbz:466:1-66377)

die Octava Pentecostes Festum S. Trini- Sæcul. XII.
tatis instituit, quod necdum in tota Ec. A. C. 1162.
clesia celebrabatur.

§. LIX.

S. Thomæ Cantuariensis exordia.

Thomas Becket, qui primus Anglorum
in Cathedra Cantuariensi, ex quo
Normanni Angliam subegerant, sedit,
Londini anno millesimo centesimo de- *vit. Quadri-*
part. l. I. c. I.
cimo septimo, vigesima prima Decem-
bris, in Festo S. Thomæ Apostoli, a quo
nomen accepit, natus erat, cuius pater
& majores, cives Londinenses, mediocri, *Goll. lupi*
ut ipse fatebatur, fortuna usi fuerant. *lib. I. ep. 108*
Mater vero Thomam filiolum suum timo-
rem Domini docuit, eique devotionem
in S. Mariam Virginem instillavit. Ju-
venis primo Oxonii ad literas incubuit,
& deinde Parisiis, ubi cum scientiis Fran-
corum linguam didicit, quæ illa tempe-
state Curiæ Anglicanæ familiaris erat.
Cumque speciem haud vulgarem, deco-
rum corporis habitum & indolem egre-
giam inter naturæ dotes numeraret, ab
amicis de industria sæpiuscule in conspe-
ctum Theobaldi Archiepiscopi deduce-
batur, qui apud se retentum a consiliis
habuit, ac bis terque Romam ad res Ec-
clesiæ suæ gerendas misit, quas Thomas
felici eventu effectas dedit; utque hu-
juscemodi negotiis tractandis magis ido-

Dd 5 neum

c. 2,

Sæcul. XII. neum se redderet, Bononiæ aliquamdiu
A.C. 1162. Jurisprudentiaæ civili operam navavit.

Tum, Rogerio Archidiacono Cantua-
riensi ad Archiepiscopatum Eboracensem
anno millesimo centesimo quinquagesi-
mo quarto translato, Theobaldus Ar-
chiepiscopus Archidiaconatum Ecclesiæ
suæ Thomæ Bequet contulit, quem ille

I. ep. 108.
vit. c. 3.

c. 4.

c. 5.

cum Praepositura Beverlacensi, pluribus
Beneficiis & Præbendis possedit. Cum
postea Rex Henricus II. solium consen-
disset, Theobaldus Archiepiscopus, ut
Regem juvenem, Ecclesiæ privilegiis non
faventem, facilius in Officio contineret,
& Regiorum præfectorum molitionibus
obsisteret, solertissime effecit, ut ad mu-
nus Cancellarii Angliæ Archidiaconum
suum Thomam deligeret. In tanto gra-
du collocatus Thomas industriam, qua
valebat, adhibuit, ut Regis gratiam omni
obsequiorum genere sibi conciliaret.
Feras in silvis persequenti aderat, Rege
cœnante, cœnabat, Rege dormiente, ipse
cubitum concedebat. Nemo sumptuo-
sius convivia invitatis adornabat, nemo
magnificentius habitabat. Magna clien-
tum turba stipabatur, nemo magis famam
& sæculi hujus gloriam affectabat. Ni-
hilominus deliciis innatans & divitiis a-
bundans Thomas nunquam lascivo fe-
minarum amore captus deprehensus est.
Sæpe ei Aulicorum invidia negotia fa-
cesse.

cessebat, saepe ad Archiepiscopum ami- Sæcul. XII.
cosque suos obortis lacrymis dicere au- A.C. 1162.
ditus, nihil magis sibi in votis esse, quam
ab aula exire, si id salva fama exsequi
posset. Interim magis magisque Regis
animum non exiguis obsequiis sibi de-
vinciebat, ut cum sponsaliorum nego-
tium inter liberos amborum Regum
Franciæ Angliæque solertissime tracta-
vit, quo simul pactum, ut Regi suo Gi-
fortium tresque aliæ validæ urbes resti-
tuerentur. Tandem Thomæ Rex fi-
lium suum Henricum juniorem Regni
hæredem informandum commisit. Ta-
lis erat Thomas *Bequet*, cum ad re-
gendam Ecclesiam Cantuariensem voca-
tus est.

Ubi vero electus fuit, illico sanctita-
te Ordinis Episcopalis, quem susceptu-
rus erat, mature pensata, vitam mutare
moresque emendare statuit; & in itine-
re Londino Cantuariam, ubi ordinandus
erat, constitutus, ad Hebertum quem-
dam ex familiaribus sibi Clericis, eximiæ
virtutis virum, ait: *Jubeo, ut deinceps*
mibi referas, quæ de me homines lo-
quentur. Id enim mibi, quod ceteris,
præsertim potentibus, continget; nempe
multa errata omnium ore vulgantur,
quæ tamen ad Principum aures nunquam
perveniunt. Tu vero nævos, quos in me
deprehenderis, mihi metipſi expones; vñ
enim

Sæcul. XII. A.C. 1162. *enim soli, quia si ceciderit sublevantem se non habet.* Tum accepta Episcopali unctione alias omnino homo videbatur, totus conversus est, nihilque antiquius habuit, quam sub vestibus exterioribus, splendidis & suæ Dignitati congruis, habitum monasticum ac rigidum cilicium induere.

§. LX.

Colloquium in Oppido S. Joannis Launensi.

Mense Junio exeunte, anno millesimo centesimo sexagesimo secundo, Alexander Papa Montispessulo excessit, *Att.ap. Bar.* ac per oppida Alesiam, Vicum Mimatensem, & Anicum commigrans, Claramontium in Arvernia decima quarta Augusti in Vigilia Assumptionis S. Virginis pervenit. Ubi vero Fridericus Im-
Duchesn^o
to. 4. p. 579.
ep. 47. perator comperit, Alexandrum Franciam petuisse, Epistolam ad Hugonem de Campo florido Episcopum Sueslionensem & Franciæ Cancellarium dedit, hujus tenoris: *Certo indicio scimus, Rolandum olim Cancellarium, cui per fideles ministros nostros Romæ versari tuto non licet, cum Seclatoribus suis maris pericula subiisse, ut in Franciam iret, nobilis provinciam schismate turbaret, & Ecclesiasticos laicosque, ad quoscumque de-*
vent-